

Kok-lip Sêng-kong Tâi-hák
Tâi-oân Bûn-hák Gián-kiù Só-hák-hōe
Chor-chit Chiong-thêng

國立成功大學台灣文學研究所學會組織章程
The Organizational Bylaws of
the National Cheng Kung University
Taiwanese Literature Department Graduate Student
Association

章程版本說明：

■ 1.0版tī 2023.10.11所學會臨時會員大會通過。

頭chiuⁿ 總則

第一條 本章程按照國立成功大學系學會組織辦法訂定。

第二條 為tióh勉勵學生學業進步，促進文學創作kah學術研究；辦理學生活動，聯繫學生感情；促進團隊精神，本所專工設立國立成功大學台灣文學研究所學會（以下簡稱本會）。

第三條 本會ê任務按照下底：

一、針對同學需求，配合學校自本有ê資源，考量經費kah通運用ê時間，訂定年度計畫kah編訂年度經費預算，積極tek推動執行。

二、建立同學基本資料，利便同學互相幫贊kah溝通。

三、辦理本所學生各項活動。

四、協助本所推動kah發展所務。

五、代表全體會員處理會員相關權益ê爭議ûn-ûn。

六、其他符合第二條本會宗旨ê代誌。

第二chhiuⁿ 會員

第四條 凡若有國立成功大學台灣文學系研究所ê在學學籍，會tit成做本會會員。

第五條 會員有表決權、選舉權、被選舉權kah罷免權，除非hông停權，每1 ê會員有1權。

第六條 除非hông停權，會員享tit本會所做各項服務kah福利ê權利。

第七條 會員有遵守本會章程、決議kah納會費ê義務。

第八條 會員若違反法令、章程á-sī無遵守會員大會決議ê時陣，會使經由幹部會議決議kā警告á-sī停權處分。凡若危害團體情節大條--ê，會使經由會員大會決議kā除名。

第九條 會員若有下底ê情況，做除名處理：

- 一、凡若失落會員資格。
- 二、凡若經由會員大會決議除名。

第三chhiuⁿ 組織

第十條 本會定位做學生自治團體，掠會員大會做上koân權力機構。

第十一條 會員大會ê職權按照下底：

- 一、訂定kah變更本章程。
- 二、選舉á-sī罷免本會會長，選舉、罷免辦法另定。
- 三、議決kah會員權利義務相關ê其他大條代誌。
- 四、議決會員kah系務á-sī學校行政相關ê大條代誌。

第十二條 本會設會長1人，代表本會負責綜理以及推展本會會務。會長會tit按行政需求，設學術、活動、總務、文宣、公關ûn-ûn各部；組成人員，照內閣制ê精神由會長甄選來擔任，lóng無算錢。會長任期1冬，會tit連選連任1 kái。

第十三條 本會會長ê職權按照下底：

- 一、會長對內綜理教督會務，對外代表本會，並且擔任會員大會、幹部會議主席。
- 二、會長因緣bê-tit執行職務ê時，應該指定幹部1人代理；無指定á-sī無才調指定ê時，由幹部推選1人代理
- 三、每學年第1 kái系務會議召開進前，擬訂當學年度工作計劃kah經費預算。
- 四、會長會當甄選各組幹部成立執行團隊，推動執行。

第四chiuⁿ 會議

第十四條 會員大會每學年召開1 kái, 由會長召集；會長認為必要á-sī經全體會員1/3以上連署請求ê時陣, 會得召開臨時會員大會。除去臨時會員大會, 愛tī 7工前kō批信通知。

第十五條 會員若bê-tàng親身出席會員大會, 會當kō書面委託其他會員代理, 每1會員以代理1人為限。

第十六條 (應到會員人數定義：碩博士班1、2年級在學人數) 會員大會ê決議, 按應到會員半數以上出席, 相對多數同意實施；m̄-ku, 下底事項ê決議tiòh掠應到會員人數2/3以上出席, 出席人數2/3以上同意實施。

一、章程ê訂定kah變更。

二、會員ê除名。

三、財產ê處分。

四、本會ê解散。

五、其他kah會員權利義務相關ê 大條代誌。

第十七條 本會一學期tiòh召開幹部會議兩kái, 由會長召集；必要ê時tiòh召開臨時幹部會議。除去臨時幹部會議, 愛tī 7工進前通知所有幹部。幹部會議, 以草擬本會活動計畫kah內容為主。會議ê決議, 按出席會議相對多數同意tō通過。

第五chiuⁿ 經費

第十八條 本會經費來源按照下底：

一、會費：會員每學年tiòh納會費新台幣100 kh̄。

二、系所補助。

三、其他來源：接受自由寄付、其他贊助捐款、kah前述錢項所生ê chîⁿ-á-kiáⁿ。

第六chiuⁿ 附則

第十九條 本章程無chiâu-chîng ê事項, 按照學校相關規定來辦理。

第二十條 本章程經會員大會通過, 送學校相關單位核備了執行, 修正ê時mā kāng-khoán。

第二十一條 本章程有台文版、中文版、英語版3種語言ê版本對照。凡若內容有爭議, 照台文版為主。